



11/7

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“, broj: 35/05), a u vezi s članom 64. stav (1) tačka b) i članom 70. stav (1), (3) i (6) Zakona o javnim nabavkama („Sl. glasnik BiH“, broj: 39/14, 59/22), te preporuke Komisije za javne nabavke u Zapisniku o ponovnom pregledu i ocjeni ponuda broj: 03/4-11-6390-29 /2024 od 01.10.2024. godine, u ponovnom postupku ministar Ministarstva za građenje, prostorno uređenje i zaštitu okoliša Unsko-sanskog kantona donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke za predmet ugovora Nabavka usluga „Izrada Plana zaštite okoliša Unsko-sanskog kantona 2024.-2032. godine“ i dodjeljuje se ugovor prvorangiranom ponuđaču „nLogic“ d.o.o. Sarajevo, za ponuđenu cijenu iz ponude, broj: P-151-24 od 03.06.2024. godine, u iznosu od 17.500,00 KM bez PDV-a, odnosno 20.475,00 KM sa PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici www.vladausk.ba.

Obrazloženje:

Ministarstvo za građenje, prostorno uređenje i zaštitu okoliša Unsko-sanskog kantona (u daljem tekstu Ministarstvo) donijelo je Odluku o pokretanju postupka javne nabavke broj: 11-45-6390-1/24 od 17.05.2024.godine, kojom je pokrenuo postupak javne nabavke za predmet ugovora: Nabavka usluga „Izrada Plana zaštite okoliša Unsko-sanskog kantona 2024.-2032. godine“, procijenjene vrijednost u iznosu od 45.000,00 KM bez PDV-a, putem konkurentskog zahtjeva za dostavu ponuda. Postupajući po navedenoj Odluci, objavilo na Portalu javnih nabavki objavljeno je Obavještenje o nabavci, broj: 19619-7-2-10-3-3/24 od 20.05.2024. godine i tenderska dokumentacija, broj: 11-45-6390-2/24 od 20.05.2024. godine.

Po isteku roka za podnošenja ponuda (06.06.2024. godine do 12,00 sati) na protokol ugovornog organa blagovremeno je zaprimljeno pet ponuda. Komisija za javne nabavke imenovana Rješenjem Vlade Unsko sanskog kantona, broj: 03-02-51-183/2024 od 19.01.2024. godine je provela postupak provjere kvalifikacije ponuđača, te sačinila spisak kvalifikovanih ponuđača sa ponuđenom početnom cijenom, te je predložila Ministarstvu kao ugovornom organu da se ugovor za predmetnu nabavku dodijeli ponuđaču „nLogic“ doo Sarajevo prema Ponudi broj:P-151-24 od 03.06.2024. godine u iznosu od 17.500,00 KM bez PDV-a, odnosno 20.475,00 KM sa PDV-om. Ministarstvo je prihvatilo Preporuku Komisije

za javne nabavke i donijelo Odluku o izboru najpovoljnijeg ponuđača broj: 11-45-6390-9/24 od 25.06.2024. godine kojom se se ugovor za nabavku usluga „Izrada Plana zaštite okoliša Unsko-sanskog kantona 2024.-2032. godine“ dodijeljuje ponuđaču „nLogic“ doo Sarajevo prema Ponudi broj:P-151-24 od 03.06.2024. godine u iznosu od 17.500,00 KM bez PDV-a, odnosno 20.475,00 KM sa PDV-om.

Na Odluku o izboru najpovoljnijeg ponuđača žalbu je izjavila Grupa ponuđača ENOVA d.o.o. Sarajevo i CPK d.o.o. Banja Luka, koju je Ured za razmatranje žalbi Rješenjem broj: JN2-03-07-1-2125-8/24 od 29.08.2024. godine usvojio, poništio Odluku o izboru najpovoljnijeg ponuđača broj: 11-45-6390-9/24 od 25.06.2024. godine i predmet vratio na ponovni postupak. Navedeno rješenje ovo Ministarstvo zaprimilo je dana 16.09.2024. godine. U obrazloženju rješenja URŽ navodi da je ugovorni organ učinio propust kada od izabranog ponuđača nije zatražio obrazloženje neprirodno niske ponuđene cijene s obzirom da su se u konkretnom postupku stekli uvjeti za primjenu navedenog instituta u smislu odredbe člana 66. Stav 1. Zakona o javnim nabavkama i člana 17. stav 7. tačka b) Uputstva za pripremu modela tenderske dokumentacije i ponuda, te da je ugovorni organ dužan isto učiniti u ponovnom postupku.

U ponovnom postupku ovo Ministarstvo je Komisiji za javne nabavke dana 18.09.2024. godine prosljedilo Rješenje URŽ-a i tražilo da postupi po uputama datim u tom Rješenju.

Dana 01.10.2024. godine Komisija za javne nabavke dostavila Izvještaj o radu broj: 03/4-45-6390-30 /24 i Zapisnik broj: 11-45-6390-29/24 od 01.10.2024. godine u kojem se navodi sljedeće :

Komisija Vlade Unsko-sanskog kantona zaprimila je dana 18. 9. 2024. godine pod brojem protokola 11-45-6390-22/24 putem Ministarstva za građenje, prostorno uređenje i zaštitu okoliša Rješenje Ureda za razmatranje žalbi, filijala Mostar broj: JN2-03-07-1-2125-8/24 od 29. 8. 2024. godine kojim je usvojena žalba Grupe ponuđača „Enova“ d.o.o. Sarajevo i „CPK“ d.o.o. Banja Luka na Odluku o izboru najpovoljnijeg ponuđača broj: 11-45-6390-9/24 od 25. 6 2024. godine.

Sagledavši predmetno Rješenje Komisija je dana 23. 9. 2024. godine svojim aktom broj: 03/4-45-6390-23/24 zatražila od ponuđača „nLogic“ d.o.o., sa sjedištem u ulici Đoke Mazalića, Sarajevo, pojašnjenje neprirodno niske cijene s naznakom da je u obavezi isto dostaviti u roku od 5 (pet) dana od dana prijema.

Po prijemu Izješnjenja evidentiranog pod brojem protokola 03/4-45-6390-26/24 od 30. 9. 2024.godine, Komisija je zaprimila Izjašnjenje/pojašnjenje od strane ponuđača „nLogic“ d.o.o. u pogledu ponuđene cijene.

Prema članu 17. stav (7) Uputstva za pripremu modela tenderske dokumentacije i ponuda („Službeni glasnik Bosne i Hercegovine“ br. 90/24 i 20/15), propisno je sljedeće:
„(7) Ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni sljedeći uvjeti:

- a) Cijena ponude je za više od 50% niža od prosječne cijene preostalih prihvatljivih ponuda, ukoliko su primljene najmanje tri prihvatljive ponude
- b) Cijena ponude je za više od 20% niža od cijene drugorangirane prihvatljive ponude.

Nadalje, izvršen je uvid u sadržaj pojašnjenja, koje je obrazloženo i slijedećeg je sadržaja:

„Nakon detaljne analize projektnog zadatka, a na osnovu dosadašnjeg višegodišnjeg iskustva, ukupno procijenjeni broj čovjek/dana (radni dani svih uključenih članova stručnog tima) potreban za izradu projekta iznosi 80 čovjek/dana, a sve u skladu sa rokom izrade koji je dat tenderskom dokumentacijom.

Prema podacima Federalnog zavoda za statistiku, prosječna bruto plata u VI mjesecu 2024.godine za arhitektonstke i inženjerske djelatnosti, tehničko ispitivanje i analize iznosi: 2.212,00 KM.

80 radnih dana (bruto plata x4)	8.848,00 KM
Troškovi puta, smještaja, opreme, administracije	4.764,00 KM
Marža / zarada	3.888,00 KM
Suma	17.500,00 KM

Preporuka Komisija za javne nabavke predlaže ugovornom organu nakon što je zaprimila Pojašnjenje broj: 0374-6390-26/24 od 30. 9. 2024.godine, u pogledu ponuđene cijene kompanije nLogic d.o.o. Sarajevo, da se ugovor za predmetnu nabavku dodijeli ponuđaču „nLogic“ doo Sarajevo, prema Ponudi, broj: P-151-24 od 3. 6. 2024. godine u iznosu od 17.500,00 KM bez PDV-a, odnosno 20.475,00 KM sa PDV-om.

Na osnovu navedenog, ugovorni organ donosi Odluku kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od pet dana od dana prijema ove odluke i to u pisanoj formi i u dovoljnom broju primjeraka, a koji ne može biti manji od tri.

Broj: 11-45-6390-31/24
Bihać, 01.10.2024. godine


MINISTAR
Almir Imširović, dipl.ing. geod.